

WHAKAATURANGA O TE REHITATANGA I NGA RIANA MO NGA REITI KAORE ANO KIA WHAKAEAINA.

I RARO I TEKIONA 14 O TE WHAKATIKATIKA TURE REITITANGA, 1913.

NOTEMEA ko nga reiti mo nga whenua e mau nei i te rarangi tuatahi o te Kupu Apiti ki tenei, a i tika nei kia kohia aua reiti e mau nei i te rarangi tuarua o taua Kupu Apiti, kaore ano kia whakaeaina, a kua hipa i te iwa nga marama o te wa tika hei utunga i aua reiti: A notemea kua ata rehitatia nga riana mo aua whenua i runga ano i nga huarahi e tika ana mo te pera ki te tari o te Kai-rehita o te Takiwa Whenua i Poneke: Na reira, hei whakatutukitanga i nga ritenga o wahanga-tekiona (3) o tekiona 14 o te Whakatikatika Ture Reititanga, 1913, he whakaaturanga tenei o te rehitatanga i nga riana mo aua whenua kua tuhia nei ki te rarangi tuatahi o te Kupu Apiti ki tenei.

Kupu Apiti.

RARANGI TUATAHI: Nga Ingoa o nga Whenua.	RARANGI TUARUA: Nga Moni Reiti.
	£ s. d.
Awarua 4A, 3C, 4B	17 10 7
Awarua 3D 3, Tekiona 17A	3 9 0
Awarua 3D 3, Tekiona 17C, Nama 2	47 16 9
Motukawa 2B, Tekiona 3D	19 7 2
Motukawa 2B, Tekiona 5B	27 5 9
Motukawa 2B, Tekiona 10B	18 17 4
Motukawa 2B, Tekiona 10C	24 12 7
Motukawa 2B, Tekiona 15D	1 3 6
Motukawa 2B, Tekiona 16A	50 6 10
Motukawa 2B, Tekiona 16B, Nama 2	28 9 4
Raketapauma 1D, Tekiona 1	25 11 5
Raketapauma 3A 2	5 13 0

BENNET PERRY LETHBRIDGE,
Tiamana o te Kaute Kaunihera o Rangitikei.

Matene, 10 Hepetema, 1919. 654

TE POARI RORI O KAKEPUKU.

HE PANUITANGA I TE HIAHIA KI TE TANGO WHENUA I RARO I TE TURE MO NGA MAHI MO TE KATO, 1908.

Mo te taha ki te Ture mo nga Mahi mo te Katoa, 1908.

HE whakaaturanga tenei kia mohiotia ai e hiahia ana te Paori Rori o Kakepuku ki te whakatuwhera me te mahi i tetahi rori mo te katoa ki runga ki te Pokuru 2F, Tekiona 2c, Nama 2 Poraka, o te Takiwa Rori o Kakepuku; a hei whakatutukitanga i taua rori e hiahia ana kia tangohia (apiti ki etahi atu) a katoa o era wahi o taua Pokuru 2F, Tekiona 2c, Nama 2 Poraka, huihui katoa te nui 1 ruiri 5.21 nga paati, nui atu iti iho ranei, a he pungapunga te kara o te mapi a muri ake nei huaina ai.

Ko te mapi o te whenua e hiahia nei kia tangohia kua oti te whakatakoto, hei titiro ma te katoa, kei roto i te tari o te Poari Rori o Kakepuku i Te Awamutu.

Ko nga tangata katoa e pangia ana e tenei take tenei ka whakabaua atu kia tuku a tuhituhi mai mehemea he whakahe whaitikanga a ratou ki te whakatutukitanga i taua mahi ki te tangohanga ranei i taua wheua, a me tuku mai aua whakahe ki te Poari Rori o Kakepuku i roto i nga ra e wha tekau i muri iho i te putanga tuatahi o tenei panuitanga.

He mea tuhi ki Te Awamutu i tenei te 11 o nga ra o Hepetema, 1919, i raro i te Poari Rori o Kakepuku.

S. J. FORTESCUE,
Karaka.

659

HE PANUITANGA KI TE IWI MAORI.

Tari o te Minita o te Ora mo te Katoa,
Poneke, 10 o Aperira, 1919.

I TE ekenge mai i nga motu o tawhiti ki enei motu i mua tata ake nei o te mate rewharewha uruta (*influenza epidemic*) he tino maha nga tangata o te iwi Maori me te iwi Pakeha i hingahinga i taua mate. Kei tupono tera ano taua mate e hoki mai, notemea kua pera hoki ki etahi atu motu. Na reira ko tatou me noho i runga i te tupato me te noho tiaki ki taua mate. Ko te huarahi marama ia he whakapai i nga kainga he tahi he horoi i nga whare he koko i nga paru me nga kino ka hari ki wahi ke kia mamao atu i nga kainga Maori me nga taone. Ki taku whakaaro hoki me karanga he huihuinga ki ia takiwa ki ia takiwa a kia whakatuturia he Komiti mo ia kainga huihuinga hei whakahaui kia whakaritea nga tikanga horoi i nga whare a hei tahi i nga kainga kia takoto pai ai kia takoto ma ai. Me tahi ia whare ia ruuma kia ma rawa, ko nga puehu me nga paru me koko ki waho ka tapuke atu. Ko nga paru hoiho kau ranei me whakawhaiti ka tahu ai ki te ahi. Ko nga whare me nga taiepa poaka me whakapai ka tahi kia ma, ko nga paru me tapuke atu. Ko nga paru manu katoa me tapuke atu. Ko nga puna wai me nga korere wai me pai tonu te tiaki kei taka he kino he paru ranei ki roto, kei tae ranei he manu he kararehe ranei ki reira inu wai ai a ka kino te wai.

Me whakarite ki ia kainga ki ia kainga he whare hei hohi-pera mo te tupono rawa ake o te hoki mai o taua mate e noho rite ana he whare motuhake hei takotanga turoro, e watea ana ki tahaki ke o te nuinga o nga tangata. Ina tupono ki taua wa me waiho kia kotahi tonu he tangata hei tomo ki roto ki taua whare ara ko te tangata e whakaritea ana hei kai-tiaki mo taua whare.

Mehemea ka rite a ka hangai hoki te whakahaere i enei tikanga katoa e tino mohio ana au e kore e rite te whiu a taua mate a muri ake nei ki tona whiu i tona taenga mai ka hori ake nei. Na reira, ka inoi ahau ki nga rangatira Maori katoa me te iwi nui kia tahuri kia awhina i tenei mahi tino nui. Kua e waiho kia eke rawa mai te hoa riri hei runga ki te pae ka korikori ai. I tawhiti ano ia e haere ana mai e hopu ana to ringa ki te patu. To patu ki to ringa mau ai inaianei.

G. W. RUSSELL,
Minita mo te Tari Whakaora.

T. H. A. VALINTINE,
Apiha Tumuki o te Tari Whakaora.

CONTENTS.

LANDS	PAGE
Proclaiming Native Land to be vested in the Crown under Section 368 of the Native Land Act, 1909	627-628
Proclaiming Native Land to be Crown Land	628
Extending Prohibition of Alienation of certain Native Land other than Alienation in favour of the Crown	628-629
NOTICES—	
Sitting of the Native Land Court at Invercargill	629
Adoption of a Child	630
Meetings of Assembled Owners—	
Tokerau District	630
Aotea District	630
Precautions regarding Influenza	631
ADVERTISEMENTS—	
Registration of Liens on Land for Unpaid Rates	631
Taking Land for a Road	631